



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-2638/09
Sarajevo, 28.9.2009. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

| | | | |
|------------------------|-----------------------|------------|--------------|
| PRIMLJENO: 28.09.2009 | | | |
| Organizaciona jedinica | Klasifikaciona oznaka | Redni broj | Broj priloga |
| 01-50-1-15 | | 58/09 | |

PARLAMENTARNA SKUPŠTINA
BOSNE I HERCEGOVINE

- Zastupnički dom -


SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 99. sjednici održanoj 24.9.2009. godine, utvrdilo je odgovor na zastupničko pitanje koje je Šemsudin Mehmedović, zastupnik u Zastupničkom domu Parlamentarne skupštine Bosne i Hercegovine, postavio na 58. sjednici ovog doma održanoj 22.7.2009. godine.

U privitku dostavljamo odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-2638/09
Sarajevo, 24.9.2009. godine

G-din Šemsudin Mehmedović, poslanik u Predstavničkom domu Parlamentarne skupštine Bosne i Hercegovine, na 58. sjednici Predstavničkog doma, održanoj 22.07.2009 godine, postavio je sljedeće poslaničko pitanje:

" Postavljam pitanje Vijeću ministara i Ministarstvu komunikacija i prometa. – Na osnovu kojih propisa su donesene odluke Agencije za poštanski promet Bosne i Hercegovine o visini troškova za izdavanje licence?

Naime, određene kurirske kuće, odnosno operateri, ove godine su bili prinuđeni, u skladu sa zakonom da predaju zahtjev za licenciranje, iako nisu dobili niti jedan odgovor, niti pojašnjenje na određena postavljena pitanja, koliko će licenca biti izdato, koliko koštaju troškovi za obradu zahtjeva koji iznosi 3.000 KM, odnosno godišnje naknade za licencu 10.000 KM. Na osnovu kojih, znači zakonskih odredaba su određene visine ovih troškova? "

Na postavljeno pitanje, Vijeće ministara Bosne i Hercegovine je na 99. sjednici održanoj 24. 9. 2009. godine, utvrdilo sljedeći

ODGOVOR

Zakonom o poštama Bosne i Hercegovine ("Službeni glasnik BiH", broj 33/05) članom 10. stav (5) definisane su nadležnosti Agencije za poštanski promet Bosne i Hercegovine, među kojima je tačkom l) definisano sljedeće: "utvrđuje visinu troškova za izdavanje licenci i visinu godišnje naknade za pružanje poštanskih usluga, kao i rokove za izmirenje obaveza plaćanja" i tačkom k): "predlaže kriterije za utvrđivanje maksimalnih cijena pružanja poštanskih usluga".

U skladu sa svojim nadležnostima, Agencija je utvrdila Odluku o visini troškova za izdavanje licenci i visini godišnje naknade za obavljanje poštanskih usluga ("Službeni glasnik BiH", broj 43/09).

Na zahtjev Ministarstva komunikacija i prometa, dostavljeno je obrazloženje prijedloga Odluke, u kojem je navedeno da je na osnovu člana 7. Odluke o visini troškova za izdavanje licenci i visini godišnje naknade za obavljanje poštanskih usluga ("Službeni glasnik BiH", broj 92/07) Agencija pripremila prijedlog nove Odluke i njoj analognog Pravilnika, jer se ustanovilo da se u proteklom periodu ni jedan poštanski operater nije prijavio za licencu.

Ovo obrazloženje prijedloga Odluke, kojom je stavljena van snage prethodna Odluka objavljena u "Službenom glasniku BiH", broj 92/07, u cjelosti se dostavlja u prilogu.

Također se u prilogu dostavlja i zaključak Predstavničkog doma Parlamentarne skupštine Bosne i Hercegovine kojim se zadužuje Agencija za poštanski promet Bosne i Hercegovine da pristupi licenciranju poštanskih operatera u BiH, a javnim poštanskim operaterima dodijeli besplatne licence u što skorijem roku.

Agencija za poštanski promet Bosne i Hercegovine postupila je po navedenom zaključku i o tome informisala Predstavnički dom Parlamentarne skupštine Bosne i Hercegovine, a u prilogu dostavljamo informaciju u cjelosti.



VIJEĆE/SAVJET AGENCIJE

Broj: 01-29-109-4/09
Sarajevo, 25. 3. 2009.

**MINISTARSTVO PROMETA I KOMUNIKACIJA BiH
Trg Bosne i Hercegovine 1
71000 SARAJEVO**

Predmet: Obrazloženje prijedloga Odluke o visini troškova za izdavanje licencija i visini godišnje naknade za obavljanje poštanskih usluga (br. 01-04-02-109-2 od 12. 3. 2009.

Poštovani,

Ovim putem vam šaljem obrazloženje prijedloga nove Odluke o visini troškova za izdavanje licencija i visini godišnje naknade za obavljanje poštanskih usluga. Potreba dostavljanja obrazloženja je dogovorena na sastanku održanom 25. 3. 2009. godine, a na kojem su, uz predstavnike Agencije za poštanski promet BiH (u daljnjem tekstu: Agencija) sudjelovali i predstavnici Ministarstva prometa i komunikacija BiH (u daljnjem tekstu: Ministarstvo) gosp. Knežević, gosp. Koprivica, te gđa. Hurtić-Strika.

Temeljem članka 7. Odluke o visini troškova za izdavanje licencija i visini godišnje naknade za obavljanje poštanskih usluga («Sl. glasnik BiH 92/07») Agencija je pripremila prijedlog nove Odluke i njoj analognog Pravilnika. Naime, u proteklom razdoblju se ustanovilo da se nijedan poštanski operater nije prijavio za licenciju.

Visina troškova za godišnju naknadu je prijedlogom nove Odluke razdvojena po uslugama (rezervirane, nerezervirane, kurirske), kako ih i zakon predviđa, tako da će iznos koji plaća operater poštanskog prometa koji obavlja sve poštanske usluge predviđene zakonom biti zapravo isti kao i u trenutno važećoj Odluci. Primjedbe kako poslovni subjekt koji obavlja sve vrste usluga i onaj koji obavlja samo neke usluge ne trebaju plaćati isti iznos godišnje naknade, smo usvojili, pa stoga držimo kako će ovakav, razrađeni, prijedlog Odluke biti važan u kontekstu popunjavanja baze poštanskih operatera i praćenja situacije na poštanskom tržištu BiH.

Javni poštanski operateri, sukladno važećem zakonu, imaju ovlaštenje za obavljanje svih poštanskih usluga, te zato ne trebaju podnositi zahtjev za licenciju, a godišnju naknadu za obavljanje plaćaju sukladno Odluci, što je, također, prijedlogom nove Odluke jasnije određeno.

U zakonu se pod djelatnostima Agencije navodi i kako ona prati pridržavaju li se operateri poštanskog prometa (koji posjeduju licenciju) uvjeta iz licencije, što, uz činjenicu da se nisu ni prijavili za istu, onemogućava Agenciji provedbu ovih aktivnosti. Ovome u prilog ide i činjenica da je upravo područje nadzora (inspekcije) bio dio velike diskusije i oprečnih mišljenja u prijedlogu nacrtu novog Zakona o poštama, a u trenutno važećem zakonu se ne naglašava tko zapravo obavlja taj nadzor. Navedenom činjenicom kako Agencija ima ovlast dijela praćenja se stvara prostor premošćivanja tog jaza.

Daljnjom analizom smo primjetili kako u važećoj Odluci nije bio predviđen slučaj ukoliko se poslovni subjekt prijavi za licenciju izvan roka predviđenog važećom Odlukom i Pravilnikom, što je novim prijedlogom predviđeno, jednako kao i iznos visine godišnje naknade za prvu godinu njegova poslovanja u takvom slučaju.

Daljnje izmjene se odnose na napatuk Ureda za reviziju institucija BiH koje su revidirale poslovanje Agencije za razdoblje 1-9/2008. Usvajanjem toga napatka se u Odluci naznačava kako za svako tromjesečje Agencija operaterima poštanskog prometa treba izdavati prvo predračun, s obzirom da se radi o plaćanju unaprijed, a zatim i račun, kako bi i oni imali opciju knjiženja svojih rashoda temeljem tih računa.

Konačno, postoji mogućnost da usvajanjem novog Zakona o pošti i ovakav prijedlog Odluke pretrpi određene izmjene pa smo, predviđajući takvu situaciju, izmjenili članak 6. nove Odluke (članak 7. u važećoj), kojom se ostavlja pravo Agenciji da, uz suglasnost Ministarstva, istu i izmjeni i/ili dopuni, a što u ranijem prijedlogu nije bilo tako navedeno.

Usprkos tome što smatramo kako dio vezan za utvrđivanje maksimalnih cijena poštanskih usluga nema dodirnih točaka sa problematikom prijedloga odluke na koju tražimo suglasnost dalje ćemo iznijeti aktivnosti koje poduzimamo kako bi i po tom planu regulirali tržište.


Amandman Udruge poslodavaca FBiH na prijedlog novog zakona, kojim oni predlažu da se utvrđivanje maksimalnih cijena definira samo za univerzalne usluge nije u proturiječju sa stavovima Agencije. Naime, kurirske usluge su one sa dodanom vrijednošću, te smatramo kako bi poslovni subjekt koji obavlja te usluge trebao imati pravo na tržišno određivanje njihove visine, uz obvezu dostavljanja svog cjenika Agenciji. Donja granica cijene kurirskih usluga je zakonom definirana (minimalno 10X veća od osnovne cijene usluge u važećem zakonu, a u prijedlogu novog minimalno 2,5X veća od najbržeg stupnja prijenosa prema cjeniku JPO-a).

Rezervirane usluge su dio područja univerzalnih usluga, za koje, prema zakonu, ukoliko su troškovi njihova obavljanja veći od prihoda ostvarenih tim uslugama, javni poštanski operateri imaju mogućnost njihova subvencioniranja. Kako bi taj korak, koji čini preduvjet navedenom određivanju maksimalnih cijena poštanskih usluga, realizirali, poslali smo dopis zainteresiranim subjektima (resornim ministarstvima i JPO-ima) za određivanje članova mješovitog povjerenstva. Usprkos tome što taj zahtjev poslali 18. 2. 2009., ni danas od svih subjekata nismo dobili imena predstavnika. O težini posla koji je pred tim povjerenstvom govori i činjenica da ni države koje de facto imaju uređenije poštansko tržište od BiH nisu još takve stvari konačno definirale.

Smatramo za shodno i istaknuti činjenicu da je ovo drugi prijedlog nove Odluke koji je nastao usvajanjem dostavljenih komentara Ministarstva.

Nadamo se da je navedeno obrazloženje dostatno za vašu suglasnost na predloženu Odluku, a, ukoliko je potrebno, izražavamo spremnost sudjelovanja na zajedničkom sastanku kako bi se otklonile bilo kakve nedoumice.

S poštovanjem,



Predsjedatelj Vijeća Agencije

mr. sc. Nino Čorić

Dostavljeno:

- Naslovu
- Sudionicima sastanka
- a/a



Broj: 01-50-1-15-52/09
Sarajevo, 29. aprila 2009. godine

Na osnovu čl. 79. i 80. Poslovnika Predstavničkog doma Parlamentarne skupštine Bosne i Hercegovine («Službeni glasnik BiH», br. 33/06, 41/06, 81/06, 91/06 i 91/07), povodom rasprave o Izvještaju o radu i finansijskom izvještaju Agencije za poštanski saobraćaj BiH za 2008. godinu, Predstavnički dom Parlamentarne skupštine Bosne i Hercegovine je na 52. sjednici, održanoj 29. aprila 2009. godine, usvojio sljedeći

ZAKLJUČAK

Zadužuje se Agencija za poštanski saobraćaj BiH da pristupi licenciranju poštanskih operatera u BiH, a javnim poštanskim operaterima dodijeli besplatne licence u što skorijem roku.



PREDSJEDAVAJUĆI
PREDSTAVNIČKOG DOMA

Beriz Belkić



VIJEĆE/SAVJET AGENCIJE

Broj: 01-29-450/09
Sarajevo, 13. 8. 2009.

PARLAMENTARNA SKUPŠTINA BOSNE I HERCEGOVINE
PREDSTAVNIČKI / ZASTUPNIČKI DOM
N/R GOSP. BERIZ BELKIĆ, PREDSEDavajući PREDSTAVNIČKOG DOMA
TRG BiH 1
71000 SARAJEVO

Predmet: Informacija o aktivnostima Agencije za poštanski promet Bosne i Hercegovine


Veza: Zaključak Predstavničkog doma sa 52. sjednice, br. 01-50-1-15-52/09 od 29. 4. 2009.

Poštovani gosp. Belkić,

Želimo Vas informirati da je Agencija za poštanski promet Bosne i Hercegovine postupila po zaključku sa 52. sjednice Predstavničkog doma Parlamentarne skupštine Bosne i Hercegovine, te, sukladno zakonskoj proceduri, dobila suglasnost Ministarstva komunikacija i prometa Bosne i Hercegovine na *Ovlaštenje javnom poštanskom operateru* javnim poštanskim operaterima u Bosni i Hercegovini. Procedura objave ovlaštenja u službenom glasilu, te dostave istih javnim poštanskim operaterima je u tijeku.

Također Vas informiramo da smo dobili suglasnost i na jedno *Rješenje o izdavanju licencije za obavljanje kurirskih usluga*, čime je formalno jedan poslovni subjekt u Bosni i Hercegovini dobio status poštanskog operatera, što će se također objaviti u službenom glasilu, a nekoliko zahtjeva poslovnih subjekata za izdavanje licencije za obavljanje kurirskih usluga u Bosni i Hercegovini je u procesu obrade.

S poštovanjem,



Predsjedatelj Vijeća Agencije

Ant. sc. Nino Čorić

Dostavljeno:

- Naslovu
- a/a